



UNIVERSITÄTS-
BIBLIOTHEK
PADERBORN

Universitätsbibliothek Paderborn

Consultationes Theologicæ Et Spirituales Christiani verè fidelis & verè devoti ...

... De Excellentissimæ Sanctissimæ Virginis Mariæ Matris Dei

Louis François <d'Argentan>

Augustæ Vindel. ; Dilingæ, 1726

VD18 80217915

Artic. II. Sanctissima Virgo consecravit se Deo ab infantia sua nuncupandô
votum de conservanda perpetuò Virginitate.

urn:nbn:de:hbz:466:1-45581

D. Thom.
3 p. 9. 17.
5. 7.

uti congruum erat supereminenti dignitati Matris JESU CHRISTI. Sanctus Thomas, qui negare videtur illi rationis usum in ventre Matris suæ, non id facit, nisi quia timet, derogare id honori JESU CHRISTI, eò quòd videatur assimilari ex hoc Mater suo Filio. Sed abjiciamus hunc timorem, cum magna adhuc occurrat differentia inter hæc duo: habere ex privilegio rationis usum, idque transeuntem, & habere illum continuè ex seipso, & ex natura. Unum est prerogativa solius Filij Dei, & alterum est privilegium Sanctissimæ ipsius Matris.

Tria pul-
ehra effata
Theologi-
ca pro glo-
ria Sanctis-
simæ Virgi-
nis.

O Mater admirabilis! Ecce ut velimus statuere limites favoribus Dei erga te, cum videamus nec Deum posuisse hos illis, donando tibi Filium suum Unigenitum? Interrogarem hæc, sicut Sanctus Paulus: *Quomodo cum illo non omnia donavit?* Quid potest is tibi dare, quòd illo non sit minus? Revereor ex toto corde meo, & amplector opinionem Theologorum, admittentium plerumque u-

niversalem hanc regulam, quòd credendum sit, Deum omnes prerogativas, quas quibusvis concessit Sanctis, concessisse etiam Matri suæ. Sed vellem ipsos hanc adhuc magis ampliare, nec restringere ad hæc solum; optarem enim ut dicerent, quòd, quidquid magnum Deus dare potest puræ alicui creaturæ; quòdquidquid congruum est supremæ dignitatis Matris Dei, credendus sit illi dedisse; quòdque unico verbo, id omne, quòd minus est Deo, quamvis sit cogitare possumus, nunquam sit nimium, ad declarandum omnes ipsius excellentias. Vellem denique, ut crederent omnes, quòd magis appropinquet ipsa ad perfectiones DEI, quam cæterarum creaturarum imperfectiones; sicque, quando loquendum est de ipsa, non attendi debeat id, quòd aspicitur in creaturis, sed quòd est in DEO, quòdque incompatible non sit cum statu creaturæ supræ cæteras omnes privilegiatæ.

ARGUMENTUM.

Sanctissima Virgo consecravit se Deo ab infantia suâ nuncupando votum de conservanda perpetuè Virginitate.

ARTICULUS II.

OMnia admirabilia sunt in Sanctissimâ Matre DEI, omnia sunt privilegiata, omnia excedunt id, quòd dici potest de cæteris Matribus. Sanctus Epiphanius valde prudenter obser-

observat, nunquam aliquem fuisse, qui loquens de MARIA, non appellaverit ipsam Virginem per antonomasiam; & quando etiam nominatur Mater Dei, quod est elogiorum ipsius præcipuum; ad jungi solet nomen Virginis, & dicitur Virgo Mater. Ecclesia cantat & ubique plenâ voce resonat de ipsâ: *Sancta Virgo Virginum*; ex eadem ratione, quâ enuntiat de JESU CHRISTO, quod sit: *Rex Regum, & Dominus Dominantium*. Regem Regum appellat ipsum, dicere volens, quod ipse Rex sit ita transcendens omnem potestatem & dignitatem regiam, ut ceteri Reges intuitu ipsius Reges amplius non sint, sed simplices subditi; quod Dominus dominantium sit, eodquod respectu ipsius omnes alij Domini, non amplius sint Domini, sed mera mancipia, famuli & servi. Sic MARIA Mater Dei est Virgo Virginum, eodquod intuitu ipsius omnes aliæ Virgines minoris sint, quàm Virgines. Quare hoc? nisi quod ipsius Virginitas obtineat prærogativas & excellentias incomparabiles supra omnes alias. In quo, interrogavi ipsum? Transcendit illam, inquit, omnium filiorum Adæ; excellit etiam illam Angelorum; imitatur mirum in modum illam Dei ipsius. Hæ propositiones videbantur nobis ab initio admodum peregrinæ, sed harum veritatem nobis ita demon-

R. P. Isaac Consultat. Tom. III.

stravit, ut firmissimam illis adhiberemus fidem.

An dubitatis, prosequitur, quin ipsa sit Virgo Virginum, id est, Virgo incomparabiliter excellens ceteros omnes filios Adæ? Videte præeuntem illam tot millionibus aliarum Virginum, quæ devoverunt se Deo post ipsam: *Adducentur Regi Virgines post eam*; id est, postquam ipsa sublimavit omnium prima gloriam puritatis Virginalis, quæ hætenus nullius erat existimationis, sed potius ducebatur probro in lege antiquâ, in quâ cum haberetur honori locupletari filijs, opprobrium credebant carere illis; cumque omnes aucuparentur fecunditatem matrimonij, velut gloriosam quandam benedictionem, fugiebant Virginitatem sterilitatis comitem, velut maledictionem quandam ignominiosam. Quis est, qui erexit Virginitatem è statu tam abjecto & despicabili, illamque reddidit adeo gloriosam & honorabilem, ut triumphaverit postmodum in tot ac tantis legionibus Sanctarum Virginum, quæ extiterunt posthæc summum Ecclesiæ ornamentum? Nonne hæc Sanctissima Virgo erat? Origenes dicebat jam olim, primitias Virginitatis virorum esse JESUM Christum, & hanc mulierum suam trahere gloriam ex illâ Virginis Sanctissimæ. An visum est unquam, quod aliquis conciliaverit sibi plus reveren-

E. f. tiz.

Cur appellatur MARIA Virgo Virginum.

Psal. 44.
Ipsa contulit æstimationem & gloriâ Virginitati.

tiz, etiam apud profligatissimos quosque quam ex puritate Virginali? si quaeris, undè hoc oritur; dico, id esse parvum quendam radium gloriæ ex incomparabili hac Virginitate Sanctissimæ Mariæ Dei, refulgentis in illa; si ergò ipsis est gloriæ, ex eo, quòd sint Virgines; quanta abundantia & superabundantia gloriæ exin dimanabit in Virgines Virginum?

Honor ab antiquis exhibitus Virgibus Vestalibus cedit honori, qui debetur Sanctissimæ Virgini.

Volui insinuare hic unicum verbum: Virgines Vestales in tanto honore erant Romæ ante Nativitatem Sanctissimæ Virginis, ut venerationi essent quasi vivæ quædam divinitates, ita ut, si Imperator aliquam in plateis haberet obviam, ipsi cederet, imò recederet omnino, non audens ex reverentiâ ipsi appropinquare. Quid cogitas, respondit mihi? an allegare mihi voles Virgines Vestales? Paganismum ipsæ colebant, & consequenter concubinæ erant diaboli, sicut ipsas appellat Origenes; adornabant se velo virginitatis, ex quo comparabant sibi multum splendoris & gloriæ; verùm abscondebant sub illo fastum, ambitionem, proprium commodum, & alia vitia, quibus conciliabant sibi contemptum. Sanctus Ambrosius depingit illas tribus verbis exactissimè: *Vestalium Virginitas erat emptitia, temporanea & fastu plena.* Pondera horum vitæ verborum: *Erat emptitia*: magna conferebantur ipsis ptœmia, ut personas agerent

S. Ambros.

Virginum; dici ergò non potest cum veritate, ipsas Virgines fuisse, eò quòd amatrices non fuerint puritatis, sed magnorum provenituum, quibus à Republica locupletabantur. *Erat temporanea*: Non devovebant se absolute & perpetuò Virginitati, sed ad certum solummodò tempus, cuius finem expectabant anxie, ut reliquum vitæ suæ consecrarent voluptati & concupiscentiæ, quæ tantò erat vehementior, quòd tam longo tempore fuerit frustrata non nisi à spe satisfactionis & oblectationis futuræ. *Erat fastu plena*: Quòd prius adhuc exiit, est, quòd pro eo, quòd vera virginitas humilitate & modestia exornet, falsa hæc & ficta ipsas impleverit fastu ac vanitate. An adducere quis audeat hoc virginitatis phantasma in conspectum Virginitatis Virginis Sanctissimæ, quæ tam admirabilis est, ut nulla alia ipsi possit comparari? Et ecce quam ob causam.

Voluntas constans conservandi semper puritatem & integritatem sui corporis, quòd secundum S. Thomam essentialè est Virginitati, virtus erat Sanctissimæ Virginis in gradu eminentissimo. Plures alij ante illam habere potuerunt hanc voluntatem, & consequenter esse Virgines, sicut Propheta, Elias, Elizeus, Jeremias, Daniel, sed quis alius ante ipsam confirmavit & stabilivit in perpetuum hanc voluntatem.

Reprehensio Virginitatis Vestalium

S. Thomam
Nullus facit Virginitatis perpetuam vocem ante Sanctissimam Virginem

luntatem per votum quoddam æternum? Votum Virginitatis perpetuæ inauditum quid in Veteri Testamento ante Sanctissimam Virginem.

Nullus tam perfectè servavit hanc, sicut ipsa.

Plures post illam imitati sunt ipsius Virginitatem, & etiam ipsius votum per cuncta novi Testamenti tempora: Sed quis alius conservavit ipsam tantâ cum perfectione & puritate citrà hoc, quòd unquam senserit vel minimum motum concupiscentiæ, non magis, quàm si corpus ipsius purus fuisset spiritus? Ipsa sola est, quæ, cum non senserit æstum peccati originalis, non sensit etiam fastidiosos ignis huius infernalis reliquias, quæ perseverant adhuc post aquas Baptismi in omnibus filiis Adæ; cumque hic ignis naturalis sit, nunquam non periculosas quasdam ejaculatur scintillas, quæ saltem efficiunt, ut sentiatur malum, quamvis non semper trahant in consensum. Imò Virginitas in alijs, quando conservaretur etiam semper pura, conservari tamen non potest semper pacata & tranquilla; ipsa inevitabiles suas habet luctas, & non semper est certa ipsius victoria: Non nisi Sanctissimæ Virginis Virginitas pari ratione & pura & pacata fuit, tamque secunda ac certa, quasi nunquam constitisset Corpore.

Sed quando etiam supposueris, inventos fuisse quosdam alios, qui ex singularissimo gratiæ privilegio

conservaverint Virginitatē æqualiter puram & pacatam, adeò, ut nec senserint naturalis concupiscentiæ rebellionem; quæ alia Virginitas comparari possit Virginitati Sanctissimæ Virginis cum inaudito hoc cuncta per sæcula privilegio, quòd nullus comprehendere potest intellectus humanus, omnes admirantur Angeli? Virginitas juncta Maternitati; ipsa Virgo est, & tamen est Mater; ipsa Mater est & tamen est Virgo; ipsa conservat perfectam quandam integritatem, & tamen concipit infantem; ipsa hunc portat statuto tempore, ipsa hunc parit, ipsa hunc lactat suis uberibus; & purissima est Virginum? Quæ alia comparari possit cum ipsa? Ecclesia id admirans deprecatur ipsam, quòd sit Virgo singularis, unica, absque pari. O quam verè ipsa est incomparabilis, infinita ratione transcendens omnes alias Virgines!

Nunquam natura nec gratiæ produxerunt ejusmodi Virginem; universus orbis similem conspexit nunquam; omnes tum Angelorum, tum hominum intellectus comprehendere non possunt ingens hoc prodigium. O portentum creaturarum omnium! Virgo Virginum, Mater Matrum, Virgo omni tempore, ante partum, in partu, post partum suum; Virgo omni ratione ac modo, in corpore suo, in animâ suâ, in oculis suis, in corde suo, in cogitationibus.

E. f. 2.

Ipsa sola Virgo & Mater est.

Prodigia Virginitatis Matris Dei.

nibus suis, in verbis suis, in affectibus suis & in desiderijs suis. Mater admirabilis, quæ solâ dat totum esse suo Filio, quæ lactat ipsum mammis suis, quæ fecundæ sunt & Virgines, quæ sola nutre ipsum, qui universum nutrit mundum. Nunquam inveniret quis finem, si animum quis suum excurrere permitteret in consideratione infinitorum aliorum prodigiorum, quæ intueri licet in admirabili hac Virginitate. Sed hæc abundè sufficiunt ad confirmandum id, quod dixeram, quod nempè Virginitas Sanctissimæ Virginis incomparabiliter transcendat illam omnium filiorum Adæ.

Ipsi Virginitas excellit illam Angelorū.

Dixi, secundo, quod transcendat etiam illam Angelorum. Hæc veritas tam facile demonstrari & persuaderi potest, ut non nisi duobus indigeam verbis. Si omnes Angeli in cælis disceptare de puritate vellent cum Sanctissimâ Virgine, dicere possent: Nos omnes sumus Virgines; sed hæc responderet ipsis; Ita, verum vos estis per naturam, & ego Virgo sum per gratiam; consequenter mea Virginitas, quæ supernaturalis est, longè excellit vestram. Si dicerent ipsi, nos omnes immunes sumus à minimâ impuritatibus maculâ: hæc responderet ipsis; Ita; Sed hic status est vobis necessarius, & consequenter absque merito; & ego majorem vobis possideo puritatem, huncque statum liberè amplector

ac voluntariè, & consequenter magno cum meritorum cumulo. Possent ipsi dicere; non est nobis nec minima quidem ad impuritatem propensio; responderet hæc ipsis: id mirum non est, edquod puri vos existatis spiritus; quomodo sentire possitis desideria Corporis è carne, quam non habetis? Sed ego, quæ carnem circumfero humanam, non plus sentio, quam vos, minimam erga carnem inclinationem, per nunquam intermissum gratiæ prodigium, virtute cuius supra naturalem meam attollo conditionem. Omnino igitur manifestum est, quod Virginitas Sanctissimæ Virginis longè transcendat illam Angelorum: Et tamen hoc non est, quod Virginali ipsius puritati maximum conferat splendorem.

Sed quod plurimum illustret ipsam, est, quod mirificè imitetur Virginitatem Dei ipsius. Virginitas in Deo tam pura est, ut sit puritas ipsa, & tamen tam fecunda est, ut producat & generet Deum, qui est Filius æqualis Patri suo, ita ut ipsa faciat, constituat & relinquat Patrem Virginem: Et puritas tam Virginalis est in MARIA, ut ipsa sit Virginitas ipsa, & nihilominus tam fecunda est, ut producat Deum, qui unicus est Filius Matris Virginis. Pater æternus est simul Pater & Mater respectu Filij sui Unigeniti, edquod ipse sit Pater Virgo; Et Sanctissima Virgo est

Comparatio inter Virginitatem Dei Patris & illam illius Virginalis.

est simul Pater & Mater respectu Unigeniti sui Filij, ed quod ipsa sit Mater Virgo. Nunquam Virginitas fecunda est producendo Filium ex propria sua substantia, nisi in Deo Patre, & in sola Sanctissima Virgine. O admirabilem Virginitatem ex utraque parte! O portentosam conjunctionem fecunditatis cum Virginitate ex parte utraque: Sed in qua ex utraque magis videtur admirabilis? Admiror illam in Patre, ed quod producat ab aeterno, & permaneat Virgo in aeternum; & tamen hoc tam admirabile non videtur, ed quod substantia, quam producit, pure sit spiritualis; admiror igitur magis illam in Sanctissima Virgine, ed quod substantia, quam producit, spiritualis sit & corporalis, & nihilominus semper permaneat Virgo. An altius attollere posset suam Virginitatem, quam attollendo illam ad sublimem hanc imitationem Virginitatis Dei!

Prima Virgo est Sanctissima Trinitas.

S. Gregorius.

Certe si Deo nascendum erat, nasci non poterat nisi ex Virginitate; & si pariendum erat Virginitati, parere non poterat nisi Deum. Sanctus Gregorius summe extollit Virginitatem considerans ipsam in suo principio: *Prima Trias Virgo est.* Dicit primam Virginem esse Sanctissimam Trinitatem. An sublimius quid dicere poterat ad ipsius laudem? Vide, quod adoranda Trinitas non solum sit prima Virgo; sed etiam non

subsistat nisi per Virginitatem infinita ratione fecundam, & per fecunditatem infinita ratione Virginem; Et hoc est, quod constituit incomprehensibilem hanc unionem Unitatis cum Trinitate, & Trinitatis cum Unitate. Deus est Unus, quia est Virgo, & est Trinus, quia est fecundus: Quomodo haberet unitatem, nisi haberet perfectam integritatem, absque divisione, absque partitione, & absque commixtione? Ecce quomodo ipsius Virginitas constituat ipsius Unitatem. Sed quomodo haberet Trinitatem, nisi haberet perfectam fecunditatem, ubi una persona producit aliam? Pater producit suum Filium; Pater & Filius producunt Spiritum Sanctum; quae admiranda magis fecunditas, quam illa quae producit Deum? Ecce igitur, qua ratione fecunditas producat vel constituat Trinitatem; Et haec est fecunditas Virginea, & Virginitas fecunda. Et ecce primum exemplar perfectae Virginitatis: *Prima Trias Virgo est.* Nonne merito adjungatur cum S. Ambrosio: *Secunda Virgo MARIA est?*

Virgo secunda est MARIA, secunda est quae juxta aeternum hoc Trinitatis Virginis Exemplar, formata est ad perfectam ipsius similitudinem, ut omnium excellentissima sit Virginum. Secunda Virgo eximium est egypton Virginis primae, quae Sanctissima est Trinitas, ed quod

F f 3

sicut

Ambrosius sicut ipsa, conjungat Virginitatem purissimam cum maxime admirandâ fecunditate. Intellego mysterium, dicit S. Ambrosius, Filius DEI, qui nasci non potest, nisi ex Patre Virgine in æternitate, nasci etiam non vult nisi ex Matre Virgine in tempore: Secunda nativitas degenerare non debet à primâ: Recipit ipse infinitam puritatem à DEO Patre suo, & confert hanc Sanctissimæ Mari suæ; ipse qui delectatur & pascitur inter lilia, vult Virginitatem fecundam divini Patris sui, & fecundam Virginitatem Sanctissimæ Matris suæ, duo esse lilia, quæ suas constituunt delicias, eòquod sint ipsæ duo principia duarum harum Nativitatum. O Virginitas fecunda Patris! tu voluptas es Verbi æterni! ô fecunditas Virginea Matris! tu voluptas es Verbi Incarnati.

Quomodo anima nostra imitari debeat Virginitatem & fecunditatem Virginis Sanctissimæ.
 Anima mea, ecce Archetypum admirabile, quod tuis exponitur oculis: Aspice illud, considera illud, imitare illud. Vis esse sponsi cælestis paradisi, ubi ipse suas capiat delicias, junge cum Virginitate fecunditatem, facque ambas totas cælestes esse & divinas. Esse Virginem corpore est felicitas, quam non possident omnes; sed anima semper est Virgo, quando Virgo vult esse. Anima Virgo est;

quando pura est; pura est, quando perfecte exempta est ab omni sordide peccati; ab illo exempta est, quando sanctificatur per gratiam, animatur spiritu DEI, & divino ipsius exardescit amore; anima, quæ in hoc statu est, confertur Virgo ante DEUM: sed oportet conjungere ipsam cum Virginitate fecunditatem. Anima fecunda est, quando concipit bona desideria, quando parit bona virtutum pignora; fecunda est, quando progignit multa bona opera, preces, elemosinas, jejunia, fecunda est, quando cor ipsius producit multos bonos actus contritionis, humilitatis, patientiæ, obedientiæ & amoris DEI; quando ipsius manus charitative succurrunt proximo, quando ipsius pedes moventur eò, ubi DEI promovetur honor & gloria. Felicem & millies felicem animam, quæ ita imitari novit Sanctissimæ Virginitatem & fecunditatem Virginis; auspiciatissimam enim fructur sorte, ut cælestis sponsi evadat paradisi.
 Credis te aliquid intellexisse de gloriâ Virginitatis Virginis Sanctissimæ? sed non; nihil intellexisti de eâ; audias id velim, quod magis adhuc ipsius ex tollit gloriam.

**

ARGU